

ინფორმაცია საგარანტიო ვადებისა და პირობების, სამუშაოთა წარმოების წესების, სამშენებლო და უსაფრთხოების ნორმების შესახებ

- ექსპლოატაციის ნორმების დაცვის შემთხვევაში მიწოდებული საქონლისა და შესრულებელი სამუშაოს ხარისხზე იძლევა გარანტიას:

1. სამშენებლო-კონსტრუქციულ სამუშაოებზე, მდგრადობაზე და გამძლეობაზე, ბეტონის სამუშაოებზე და სხვა სამშენებლო სამუშაოებზე – მინიმუმ 20 წელი;
2. ელექტრო-სამონტაჟო სამუშაოები – მინიმუმ 5 წელი;
3. სხვა დანარჩენი სამუშაოები – მინიმუმ 3 წელი.

- სამუშაოთა წარმოების წესები, სამშენებლო და უსაფრთხოების ნორმები:

- ა) სამუშაოების შემსრულებელი ვალდებულია სამუშაოები შეასრულოს მოქმედი სამშენებლო სტანდარტების, წესებისა და ნორმების მიხედვით; ყველა სახის სამშენებლო – სამონტაჟო და ტრანსპორტირების სამუშაოების შესასრულებლად დაცული უნდა იქნას უსაფრთხოების ტექნიკის მოთხოვნები. სნდაწ III-4-80 “უსაფრთხოების ტექნიკა მშენებლობაში”;
- ბ) სამუშაოების წარმოების პირობები უნდა შეესაბამებოდეს საქართველოს მოქმედი კანონმდებლობით დადგენილ წესებსა და ნორმებს;
- გ) მიმწოდებელი ვალდებულია სამუშაოები შეასრულოს საქართველოში მოქმედი უსაფრთხოების ტექნიკის, საწარმოო სანიტარიის და ხანძარსაწინააღმდეგო მოქმედი წესების, ნორმებისა და ინსტრუქციების დაცვით. ყველა სამუშაო უნდა შესრულდეს იმ ადგილობრივი და სახელმწიფო კანონების, კოდექსების, მოთხოვნებისა და დადგენილებების შესაბამისად, რომლებიც ეხება ადამიანთა უსაფრთხოებასა და ჯანმრთელობის დაცვას. შემსრულებელმა უნდა უზრუნველყოს სამუშაოთა უსაფრთხოებისათვის საჭირო ყველა წესისა და ინსტრუქციის შესრულება, სამუშაო ტერიტორიაზე უნდა იყოს შესაბამისი ნიშნები და გაფრთხილებები;
- დ) შემსრულებელი პასუხისმგებელია მისი ქმედებით ან/და უმოქმედობით მესამე პირისათვის მიყენებულ ნებისმიერი სახის ზიანზე, რომელიც შეიძლება წარმოიშვას სამუშაოების მიმდინარეობის პროცესში. შემსრულებელი ვალდებულია სათანადოდ დაიცვას ყველა შენობა, ნაგებობა, დანადგარი, კომუნიკაციები დაზიანებისაგან და გაფუჭებისაგან ხელშეკრულების მოქმედების პერიოდში;
- ე) მიმწოდებელმა უნდა აწარმოოს ყველა საშემსრულებლო ტექნიკური დოკუმენტაცია, რომელიც განსაზღვრულია მოქმედი სამშენებლო ნორმებით და სტანდარტებით, მათ შორის ფარული სამუშაოების აქტები იმ სამუშაოებზე, რომლებზეც საჭიროა აღნიშნული დოკუმენტაციის წარმოება;
- ვ) მშენებლობის პროცესში გამოყენებული ყველა მასალა-მოწყობილობა უნდა იყოს მაღალის ხარისხის და შეესაბამებოდეს ამ სფეროში აღიარებულ სტანდარტებს. რაზეც შემსყიდველს უფლება აქვს, სურვილისამებრ მოითხოვოს შესაბამისობის დადგენის მიზნით, სტანდარტის დამადასტურებელი სერთიფიკატი. სამუშაოების შესრულების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) თანხმდება შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება აღიარებულ სტანდარტებს და შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისთვის მისაღები მასალა, მოწყობილობა ან/და სხვაგვარად შეასრულოს სამუშაო.

შენიშვნა: საგარანტიო ვადის ათვლა იწყება საბოლოო მიღება-ჩაბარების აქტის გაფორმების დღიდან.